



ՄԱՍԼՈ ՀԱՂՈՐԴԱԳՐՈՒԹՅՈՒՆ

17 նոյեմբերի, 2016 թ.

ք. Երևան

«Երիտասարդություն-Բիզնես-Կառավարություն» հակակոռուպցիոն աշխատաժողով

2016 թվականի նոյեմբերի 18-20-ին Աղվերանում Իրավաբանների հայկական ասոցիացիան, Հայաստանի ԲՀԿ-ների հակակոռուպցիոն կոալիցիայի, Ինֆորմացիայի ազատության կենտրոնի և «Ապագան քուն է» հասարակական կազմակերպության հետ համատեղ, կազմակերպում է հակակոռուպցիոն աշխատաժողով՝ «Երիտասարդություն-Բիզնես-Կառավարություն» հակակոռուպցիոն աշխատաժողով՝ խորագրով:

Աշխատաժողովը կազմակերպվում է Եվրոպական միության ֆինանսավորմամբ և ԵԱՀԿ համաֆինանսավորմամբ իրականացվող «Կոռուպցիայի դեմ պայքարի բազմակողմանի խթանում» ծրագրի շրջանակներում: Աշխատաժողովին հրավիրված են մասնակցելու պետական մարմինների, բիզնես կազմակերպությունների և միավորումների, ԲՀԿ-ների, ինչպես նաև երիտասարդության ներկայացուցիչներ:

Աշխատաժողովին իրենից ներկայացնում է ՀՀ արդարադատության նախարարության հետ համատեղ 2015թ.-ի դեկտեմբերի 10-11-ին, 2016 թ.-ի մայիսի 28-29-ին և հոկտեմբերի 29-30-ին Աղվերանում կազմակերպված «Բիզնես ոլորտի կոռուպցիոն ռիսկերն ու բարեխղճության հիմնական դրոշմները Հայաստանում», «Բիզնես ոլորտի կոռուպցիոն ռիսկերը Հայաստանում. արձանագրված ոլորտային խնդիրները և հետագա անելիքները» և «Բիզնես ոլորտի կոռուպցիոն ռիսկերը Հայաստանում. անփոփոխ աշխատաժողով» աշխատաժողովների շարունակությունը:

Եռօրյա աշխատաժողովի ընթացքում ներկայացվելու են 2016 թվականի հոկտեմբերի 21-ին ընդունված ՀՀ կառավարության ծրագրով նախատեսված հակակոռուպցիոն և բիզնես ոլորտի հատվածները, բիզնես ոլորտում կոռուպցիայի դեմ պայքարի հարցում Կառավարություն-ԲՀԿ-Բիզնես ձևաչափով Հայաստանի ԲՀԿ-ների հակակոռուպցիոն կոալիցիայի կողմից իրականացված գործողությունները և ոլորտային (հարկային և մաքսային, պետական գնումների, ազատ մրցակցության և մենաշնորհների, լիցենզիաների և թույլտվությունների ոլորտներ) առաջարկությունների փաթեթը, «Երիտասարդությունն ընդդեմ կոռուպցիայի» ծրագիրը, ինչպես նաև այդ ծրագրի շրջանակներում ՀՀ հարկային և մաքսային ոլորտներում առկա խնդիրների վերաբերյալ մշակված առաջարկությունների փաթեթը: Այնուհետև կընթանան խմբային աշխատանքներ, որոնց արդյունքում կպատրաստվեն ոլորտային առաջարկություններ բիզնես ոլորտում հակակոռուպցիոն գործողություններ իրականացնելու նպատակով:

Արդեն առկա և միջոցառման արդյունքում համալրված առաջարկությունները քննարկման համար կուղարկվեն ՀՀ կառավարություն և այլ պատկան մարմինների՝ քննարկված ոլորտներին համապատասխան, ինչը կնպաստի դրանցում արդյունավետ բարեփոխումների իրականացմանը:

«Կոռուպցիայի դեմ պայքարի բազմակողմանի խթանում» ծրագրի հիմնական նպատակն է մեծացնել ԲՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում հզորացվել են ԲՀԿ-ների և ՉԼՄ-ների մոնիթորինգի և վերահսկողության կարողությունները, որի նպատակով ՀՀ մարզերում 105 ԲՀԿ-ների և ՉԼՄ-ների համար կազմակերպվել են հակակոռուպցիոն դասընթացներ՝ կոռուպցիոն բնույթի և տեղեկատվության ազատության խնդիրները առավել լավ ըմբռնելու համար: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով տրամադրվել են փոքր ենթադրամաշնորհներ 20 ԲՀԿ-ների և ՉԼՄ-ների: Ծրագրի շրջանակներում 2014 թ. ստեղծվել է Հայաստանի ԲՀԿ-ների հակակոռուպցիոն կոալիցիան՝ այժմ բաղկացած ավելի քան 80 ԲՀԿ-ներից: Այն առանցքային դեր է խաղում ծրագրի շրջանակներում մշակված ԲՀԿ-կառավարություն կայուն երկխոսության մեջ: Վերջինիս շրջանակներում նշանակալից է Կառավարության և վերոնշյալ կոալիցիայի համատեղ աշխատանքը՝ ապօրինի հարստացման քրեականացման և անկախ ինստիտուցիոնալ հակակոռուպցիոն մարմին ստեղծման շուրջ:

Ծրագիրն իրականացվում է Եվրոպական միության ֆինանսավորմամբ և ԵԱՀԿ երևանյան գրասենյակի համաֆինանսավորմամբ՝ «Իրավաբանների հայկական ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650 000 եվրո, որից ԵՄ ներդրումը կազմել է 585 000 եվրո, ԵԱՀԿ երևանյան գրասենյակի ներդրումը՝ 31 117 եվրո:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Ինֆորմացիայի ազատության կենտրոնը (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

Լրացուցիչ տեղեկությունների համար կարող եք դիմել Ծրագրի հանրային կապերի համակարգող Նարինե Կարապետյանին աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>: Կատարող՝ Նարինե Կարապետյան, էլ. փոստ՝ info@armla.am:



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն Հեռախոս՝ +37410 54 64 94
Հեռապատճեն՝ +37410 54 64 95



Եվրոպայում անվտանգության և համագործակցության կազմակերպություն Երևանյան գրասենյակ

ԵԱՀԿ երևանյան գրասենյակը գործում է 1999թ.-ից, որի առաքելությունն է աջակցել Հայաստանին զարգացնելու իր ժողովրդավարական հաստատությունները և ամրապնդելու քաղաքացիական հասարակությունը՝ գործելով օրենսդրական բարեփոխումների, կոռուպցիայի և թրաֆիքինգի դեմ պայքարի, բնապահպանական, մարդու իրավունքների իրազեկման բարձրացման, լրատվամիջոցների ազատության և այլ ոլորտներում:



Իրավաբանների հայկական ասոցիացիա
Հասցե՝ Նալյանոյան 7, բն. 2
Երևան, Հայաստան, 0010

Հեռախոս՝ +37410 54 01 99
Հեռապատճեն՝ +37410 58 02 99



Ինֆորմացիայի ազատության կենտրոն
Հասցե՝ Բուզանդի 1/3
Երևան, Հայաստան, 0010

Հեռախոս՝ +37410 56 03 60
Հեռապատճեն՝ +37410 56 03 60